

石杏林祖師---南宗二世祖 陳子石宗師

石祖名泰。字得之。江蘇常州人。性仁慈喜以醫藥濟人。不受酬報。後遇張紫陽祖。得傳金丹大道。然張祖初得受口訣於劉祖。劉祖戒之曰。異日有為汝脫韁解鎖者當以此道授之。餘皆不許。後張祖三傳匪人。三遭天譴。乃自誓不敢妄傳。遂以允語作悟真篇。序曰使夙有仙骨者。讀之自悟。則是天心所賜。非余之輕傳也。中羅鳳州太守怒按以事坐黥。竄路過邠州會大雪。張祖與護送者俱飲酒肆。遇石祖邀與同席詢知其屈。石祖曰邠州吾故人也。張祖因懇為先容竝謂護送者曰。能迂王跡有緣可免此行。乃同之邠見太守。陳訴哀曲。竟獲免。張祖得之遂傳其道。後宋紹興二十八年秋道成。壽一百三十七歲。越二年有人復見石祖於羅浮山。著有還源篇行於世。

紀念石杏林祖師駢言

憶昔張祖徒遇。臨難而竟得全消。石祖師逢。悟真而豈遑頓覺。其有授金丹之四百。妙解真機。著還源之五言。闡揚奧蘊。吾承其鉢。且啟其宗。杏林祖師江蘇籍常州人。仙中麟角。卓矣紹鍾呂之才。篇裏龍文。淡然得煙霞之炁。爰從醫學。本壽世而壽人。早以仙行。必修命而修性。玉壺烹藥。坎中求鉛。金鼎凝神。離宮煉汞。會雪邵州之飲。恰值奇緣。中罹鳳府之患。終成善果。春吟秋咏。玄風自露於真情。有作無為。至法相傳於賢達。軒轅早悟。龍駕鼎湖。道祖開宗。牛跨函谷。分辨正邪。至言息太守之瞋。溝通都

邑。玄竅啟道光之悟。衝開紫府。神器則脉脉歸根。塞斷黃泉。身心則綿綿復命。而乃冥搜秘旨。雅好傳真。汞鉛簡易之言。了悟不過牛句。胎圓證驗之效。怎知只在片時。每於金翁跨龍。姹女騎虎。甲庚明正。獲一炁而化神。魂魄制鈴。招二靈而返樸。逐臻百四上壽。非增私自之歡。八一遺篇。實為大公之願。關開混沌。全身恍若金光。竅鑿玄元。萬本都由無極。於是泄萬古不傳之訣。種教人修。揭不二真法之門。詩垂世誦。以予鑪峰宣道。湖海契緣。愧闢講壇之雖成。謂述片言而亦可。同人一歌一頌。念紀仙真。五輯萬語萬言。心存大道。

道歷四千六百五十八年己亥元日南宗弟子陳子石序於雲咸街鑪峰新院

石杏林祖師遺產(精神脩養要妙-5)

但知行二八。便可煉金丹。汞是青龍髓。鉛是白虎脂。蛇魄擒龍髓。龜魂制虎精。華池神水內。一朵玉脂生。誰知鉛汞合。正可飲刀圭。沐浴資坤水。吹噓賴巽風。乾馬馭金戶。坤牛入木宮。一孔玄關竅。三關要路頭。制魄非心制。拘魂豈意拘。夫婦初歡合。年深意轉濃。海底飛金火。山巔動土泉。真精與元炁。此是大丹基。不知真造化。何物是真鉛。炁是形中命。心為性內神。木髓烹金鼎。泉流注玉鑪。一竅名玄牝。中藏炁與神。有誰知此竅。更莫外尋真。

萬物生皆死。元神死復生。以神歸炁穴。丹道自然成。這般真孔竅。料得少人知。這些真妙處。父子不相傳。長男纔入兌。少女便歸乾。奪他天地髓。交媾片時中。夜靜月明處。一聲春鳥啼。半夜三更裏。金烏入廣寒。塞斷黃泉路。沖開紫府門。



